



## 望海

### 【一、麗玲】

閣過兩日就是秀萍三十八歲的生日，本來是應該歡喜，毋過對秀萍來講，有一件愛慢慢去適應的代誌，就是伊佢已經和(hâm)爸爸離緣的媽媽生做足成的，毋但(m̄-nā)面貌仔成，連講話、行路佢笑聲攏和伊的媽媽仝一个模子印出來仝款，看著伊的人，敢若親像看著二十年前的麗玲，過年的時，秀萍轉去台南的厝，經過厝邊，隔壁的八十歲阿婆一直叫伊麗玲：「麗玲，你轉來過年ooh，彼个是你的查某囡阿萍，遮大漢ooh！」秀萍聽著真歹勢，八十歲的阿婆毋知影麗玲仔三十八歲的時離緣出去矣，秀萍嫁的時，個爸爸嘛無請厝邊頭尾，所以攏毋知影阿萍已經嫁翁矣。秀萍共阿婆講：「我是阿萍啦，這個是我的查某囡。」講煞就tshuā查某囡趕緊行。

秀萍毋愛轉去台南，因為伊知影親情朋友只要看著伊就會想起麗玲，有時去別人的店買物件，抑是洗頭，店頭家並無熟識秀萍，但是攏會問秀萍一寡麗玲的消息，種種的原因予秀萍真大的壓力。毋過有一个人無仝，彼个人是麗玲的小叔——秀萍的阿叔明堂，明堂九歲就無老母，伊的阿爸一年後就閣娶，明堂一直到麗玲十七歲嫁入來了後，才感受著母親的親情，因為麗玲將明堂當做自己的親小弟咧照顧，明堂嘛將麗玲這個阿嫂當做長輩咧尊敬。麗玲離緣的彼工，明堂踎個兜的亭仔跤跔(khû)一工，規个人驚神驚神，伊的心內想：「已經過身的阿母無可能閣活，麗玲仔我細漢的時，親像老母按呢照顧我，為啥物阮阿爸，欲做這種代誌，逼個離緣？」伊真想欲哭，煞哭無目屎，只好共薰點咧一枝閣一枝，解憂愁！所以，明堂逐(ták)擺只要看著阿萍對台北轉來，心內真歡喜，常常叫個某，攢(tshuân)一寡好食的物件送去阿萍個兜。

### 【二、永成】

早時秀萍的囡仔猶閣咧睏，幫囡仔共被蓋好了後，秀萍共個爸爸講：「我欲出去，你幫我顧囡仔一下。」伊拍電話予永成：「我這馬欲去台北，你出來我有話欲共(kā)你講。」

對台鐵的板橋站出來了後，秀萍行到頭前的咖啡店，永成仔附近茶行服務，已經先到，仔內面等伊。永成戴一頂棒球帽，帽仔共伊的面攏攔牢(tsáh-tiâu)咧。原本常咧烏陰落雨的天氣，今仔日煞反常難得出日頭。秀萍仔日頭下行過來，除了手內提幾張紙佢揸一个小錢包仔，啥物都無提，伊坐落來了後，並無佢永成對看，永成的薰仔薰khok仔（煙灰

缸)內一直咧著，薰節仔燒甲強欲無去，秀萍將手裡的紙提出來：「我看過矣，你家已來台南俗阮爸爸講！我講袂出喙。」講煞過兩分鐘永成攏無講話，秀萍就開門離開，永成對玻璃窗內，看著離開的秀萍，秀萍的裙佇日頭下、微風中iat來iat去，恰伊行路的姿勢相仝，節奏緊閣清楚，永成已經足久無這款機會看個某行路，伊一直看著秀萍入去車站的門才回神過來。

### 【三、望海】

秀萍tshuā囡仔駛車到安平的海邊，日頭炎熱，海風一港一港，海湧一陣一陣。秀萍恰囡仔落來散步，翻過埠岸就是沙地，囡仔無來過海墘仔，看著海湧湧起來心內小可仔驚驚，海湧落去了後，伊閣想欲去追。秀萍的心情予這個無私寬容的大海，安tah落來；想起二十年前，麗玲離開厝裡，消息全無，甚至連平時上蓋疼的查某囡秀萍嘛無聯絡，秀萍彼時拄仔好考牢五專，逐擺恰五專的同學做伙出去若有看著大海，秀萍攏會佇海邊大叫：「啊！……」伊的同學tánn開始予伊掣(tshuah)一趟，後來感覺足好耍，嘛綴(tuè)伊喝：「啊！啊！……」叫煞逐个人心內加足快活。這擺秀萍來遮，毋是欲大叫，因為伊知影，人生的難題，攏是暫時的，伊來遮，日頭予伊氣力，海風共伊惜，海湧予伊心情得著故(tháu)放，伊對未來閣較有向望！

### 【四、秀萍的爸爸】

日頭漸漸落山，天邊的星已經咧閃爍，秀萍沓沓仔(táuh-táuh-á)駛車恰囡仔轉去厝，伊毋免趕緊欲煮飯，因為伊的爸爸攏會先煮好等伊轉去食飯。較早秀萍猶未嫁的時，大部分煮飯的工作攏是伊咧做，毋過自嫁予永成了後，逐擺轉後頭厝攏是個爸爸煮予伊食。秀萍聽個爸爸的朋友共伊講：「你爸爸毋甘你嫁遐爾遠，逐擺你轉來伊就趕緊欲買菜煮飯予你食，彼是因為伊真疼你。」較早，秀萍毋捌代誌，攏感覺爸爸真嚴肅，猶閣真愛對伊管東管西，但是這馬伊才深深體會著個爸爸對伊的用心，袂輸予遐的做老母的人。

「阿公煮的菜真好食，我欲閣貯(té)一碗飯。」秀萍的查某囡安安才轉來蹠三工，逐工食個外公煮的飯和菜，食kah面膨皮膨皮，嘛加較大漢，而且逐日和表姊婷婷做伙迤迤，走來走去運動了後，腹肚真緊就楞矣。「我嘛欲閣食一碗！」婷婷看著安安食遮爾濟，伊的胃口嘛好起來。秀萍的爸爸聽著兩個查某孫仔欲閣食伊煮的飯，心內當然是真歡喜，「來，阿公食飽矣，我幫恁攏閣貯一碗飯。安安恰婷婷遐爾gâu食飯，一定會真緊大漢。」秀萍講：「爸爸，多謝你，明仔載我來煮就好，你毋免遐爾辛苦。著啊，我拄仔轉來的時陣，看著蹠佇咱厝後的阿婆個兜門口，停一台bèn-lù的轎車，是啥物人來看伊矣？」秀萍的爸爸講：「彼个阿婆，實在真可憐，毋過這馬算是苦盡甘來。伊的查某囡對美國轉來，講欲將個查某囡tshuā轉美國飼。」秀萍講：「家已飼查某囡，真好啊！敢有啥物問題？」秀萍的爸爸那收碗箸，那咧講：「你毋知影，講起來話頭長。」秀萍那洗碗，那聽個爸爸講阿婆的故事。

### 【五、阿婆的故事1】

阿婆的大官佇日本時代，予日本警察叫去造路，拄仔好總督巡查經過大路的時，有一隻毒蛇趁(sô)出來，險險咬著總督，阿婆的大官為著欲救總督大人，犧牲家己的性命，予

毒蛇咬死。因為按呢，日本總督就收阿婆的翁婿做契囡，啊毋過「花無百日紅，人無千日好。」，日本總督無佻久就予人調轉去日本，雖然有留一寡仔財物予阿婆個翁仔某，阿婆的翁婿因為破病，所有的錢攏開不了了，最後也無法度救回伊寶貴的性命。阿婆無法度只好將唯一的祖產果子園賣掉，變換錢財才通埋葬個翁，而且賣地的時，有佻買主參詳，雖然地賣掉，伊猶原欲躡佇果子園內底的厝，到死為止。因為個兜無啥物錢，阿婆常在揀(sak)奶母車仔，拈歹銅舊錫咧賣，嘛有收厝內面有幼囡仔的尿苴仔，拈轉去洗，洗好曝焦才提轉來佻主人家算工錢，秀萍佻小弟阿義仔細漢時的尿苴仔攏是予阿婆洗的。阿婆有三個後生一个查某囡，因為條件無好三個後生毋敢娶某攏予人招，唯一的查某囡本來八歲的時已經予人做新婦仔，啥知影伊嫁毋著人，對方十年後共伊放棄去愛別人，生一个查某孫仔tshuā轉來予阿婆飼，阿婆的查某囡無面子繼續躡庄內就離開，幾若年攏無消息。

秀萍的爸爸猶未將阿婆的故事講煞，秀萍的小弟阿義仔佻個某心形就轉來矣，阿義仔翁仔某轉來了後，秀萍就會佻個做伙去樓頂照顧囡仔，共囡仔洗身軀、洗衫、款（整理）內底，所以阿婆的故事只有另日才閣繼續聽落去。

秀萍倚佇二樓的陽台晾衫，拄仔好會當看著阿婆的厝，伊的厝是杉仔枋釘的，無法度看著厝內的情形，干焦知影內底一定真狹，大概只有兩坪大，杉仔厝頭前有用紅磚仔疊起來的灶，灶頂面囡一个鼎，邊仔有破好的柴疊做伙。看起來阿婆毋捌用過瓦斯爐，攏是用柴火咧煮飯燃(hiānn)燒水。杉仔厝的外口就是果子園，園內有種樣仔、弓蕉、蓮霧佻龍眼，秀萍自細漢就躡佇庄跤，就算干焦遠遠看著葉仔嘛是有法度知影園仔內底有種啥物果子，今仔日聽個爸爸按呢講，伊才知影，原來園仔內種遐爾濟果子攏毋是阿婆的，猶閣有，樹仔跤飼的雞仔、鴨仔佻鵝仔嘛攏是別人的。果子園門口停的彼台車已經駛行矣，秀萍共衫晾好猶閣毋入去，倚佇陽台一直想個爸爸所講的故事。忽然間，杉仔厝的門開開，阿婆頭毛散iā-iā行出來，這陣已經足暗矣，秀萍無想著阿婆猶未睏，予伊掣一赧，阿婆對秀萍個兜的二樓陽台看過去，秀萍掠做家己看毋著，阿婆應該無看著伊，只是睏袂去，起來行行蕘蕘咧，看會較好睏袂。啊毋過阿婆竟然雄雄開喙講話：「麗玲，恁兜的電火光iānn-iānn（光爍爍），你無禁較細咧，真了電閣害我睏袂去。」秀萍予阿婆驚一下真厲害，毋敢應半句話，趕緊共陽台的電火禁掉，入去佻囡仔做伙睏。

## 【六、囡仔拍毋見(phàng-kinn)】

秀萍日時用電腦設計美工的案件，雖然工錢無濟，毋過伊佻台北設計公司的查某頭家真熟，頭家知影伊最近無拄好有代誌，所以攏予伊共案件提轉來做，做好才e-mail予公司，秀萍的才華袂稔，真濟客戶指名欲予伊設計，頭家嘛真信任伊。秀萍咧用電腦發e-mail的時陣，同齊收著五專學姊寄予伊的e-mail。這個學姊是基督徒，較早佇學校就時常關心伊，秀萍感覺伊人真好，毋過彼時伊無想著欲去教會。這馬就無仝，因為秀萍的小弟阿義仔予人介紹去教會了後，生活有平安，翁仔某相疼惜，予秀萍真欣羨。

阿義仔佻個某心形真骨力拍拚，平時上班食人的頭路，歇睏時閣去風景區排路邊擔仔，趁一寡所費想欲儉錢買一間家己的新厝。有一擺個去到高雄的蓮花池排擔仔賣草帽仔，嘛順煞tshuā查某囡做伙去迫迤，因為日頭赤炎炎，草帽仔真好賣，而且閣毋免驚有貨底，做生理上驚有貨底，親像食物袂當囡傷久，超過時間攏愛擲掉，就袂了錢。猶閣有親像賣衫的成本較懸，若是賣袂出去所趁的錢就攏佇貨底，提袂著現金。阿義仔賣的草帽仔

誠有特色，價數公道，款式真濟；有傳統的型，嘛有改良的會當褶起來的，人客加減攏會買轉去家己用抑是送人。

就當阿義仔恰心形咧無閒賣草帽仔的時陣，個的查某困婷婷看著風景區真濟人客，猶閣有賣其他物件的人：親像有賣棉仔糖的、賣汽球的、賣枝仔冰的……，遮爾濟人攏佇蓮花池邊仔的樹仔跔徙來徙去，伊的耳空邊嘛不時出現無仝款的聲「pa-pu! pa-pu!」「燒酒螺！燒酒螺！」猶閣有予困仔坐的電動火車所放送的音樂「兩隻老虎，兩隻老虎……」婷婷予目矚所看的人恰物件、耳空所聽的聲音吸引，離開個父母的擔仔位愈來愈遠，當伊擡頭看佇伊頭殼頂的樹葉仔恰樹枝無仝款，才發覺伊人已經毋是倚佇熟似的所在。天頂的雲，予微微的風吹咧行，個的型不時咧改變，婷婷看著天頂的雲變化愈來愈濟，伊知影離開父母的時間愈來愈久，心內開始著急想欲趕緊揣著轉去的路，目屎毋知啥物時陣，已經流出來，最後忍袂牢就大聲哭出來！

### 【七、教會】

阿義仔發覺困仔拍毋(phàng)見就開始揣，揣點外鐘猶閣揣無，就共生理擔收起來準備欲去報案，行到半路伊恰心形聽著有人咧唱歌，歌聲予個的跔步停落來，心形忽然間將一个倚佇邊仔的困仔攏牢咧閣一直哭。原來彼个困仔就是個的查某困婷婷，婷婷聽著有人咧唱歌，家己行倚來，伊的目屎早就予風吹甲焦去，合唱團溫暖的歌聲予伊袂記得家己揣無爸爸媽媽這件代誌，煞顛倒伊的媽媽忽然共伊攏牢咧，予伊掣一下，伊干焦聽著媽媽一直哭，閣一直叫伊的名：「婷婷，婷婷！媽媽惜、媽媽毋甘！……」伊才回神過來，綴咧哭：「媽媽！媽媽！……」在場的人看著這種情形，攏真感動，嘛有人提手巾仔偷偷仔拭目屎。

合唱團的指揮是一个慈祥的歐吉桑，差不多有五十桶歲，伊tshuā一陣少年困仔佇蓮花池邊仔唱歌，伊行過來共阿義仔講：「恁這個查某困仔真勇敢，本來我想欲帶伊去警察局，拄仔好恁就來矣。」「好佳哉有恁鬥相共，阮才會通真緊就揣著困仔。恁唱歌真好聽，是對佗來的合唱團？」阿義仔問歐吉桑。歐吉桑予阿義仔一張廣告單仔「阮是對台南來的，阮來遮唱歌順然坦迤，這張單仔有阮的教會地址恰電話，恁會當禮拜日tshuā查某困來教會聽阮練詩歌。」阿義仔共單仔接過來看，頂面的地址離個兜無遠，拄仔好佇隔壁庄爾爾。查某困拍毋見會當真緊就揣轉來，阿義仔感覺真奇妙，伊決定欲去這間教會看覓咧。

隔轉天就是禮拜日，阿義仔個全家照地址揣著教會，入去的時陣，昨昏彼个歐吉桑指揮咧tshuā另外一陣大人唱歌。阿義仔詳細看指揮的面，生做有一點仔成較早的歌星文夏，只不過歐吉桑指揮的頭殼皺紋加較濟條，伊閣發見這個指揮咧比的時真特殊，完全無咧算拍數，干焦用手畫圓圈仔閣畫線，頭前、後壁、正引、倒引攏隨在伊畫，唱歌的人看伊畫偌長就唱偌長，畫偌短就唱偌短；畫偌緊就唱偌緊，畫偌慢就唱偌慢，看著按阿義仔對心底佩服歐吉桑指揮，伊感覺歐吉桑指揮有伊的一套。

婷婷愛聽人唱歌，阿義仔愛看歐吉桑指揮，心形愛綴路，所以個全家逐禮拜日攏去教會，做禮拜煞才去做生理。講起來嘛真奇妙，自對個全家開始去教會了後，雖然做生理的時間變較少，啊毋過趁的錢顛倒較濟，一切攏平安順序，所以阿義仔的爸爸並無反對個去教會。

## 【八、生日】

秀萍的學姊寄e-mail來祝伊生日快樂，會記得伊五專的時陣，秀萍攏會佻學姊去參加小朋友的暑期夏令營，個做伙做輔導課業的「大姐姐」，幫助偏遠所在的原住民小朋友讀冊，拄仔好秀萍的生日是佇暑假，所以夏令營舉辦慶生會，秀萍就會佻遮的小朋友同齊歡喜過生日，時間咧過真緊，五專畢業無佻久秀萍就結婚、生囝，到今已經畢業十五年矣，逐日無閒做穡、照顧家庭，除了結婚第一冬，永成有買雞卵糕共伊慶祝生日以外，根本就無時間通過生日。

秀萍共電腦的e-mail差不多攏處理好了後，伊聽著樓跔有人來，安安peh起來二樓叫講：「媽媽！爸爸來矣！伊買一个足大的雞卵糕ooh！」秀萍聽著連鞭將電腦禁起來，tshuā囡仔落去樓跔。永成坐佇客廳，佻秀萍的爸爸咧咻(lim)茶，永成的頭毛剪較短矣，嘛梳較整齊。秀萍對二樓落來的時，伊想起個欲講定彼天，伊嘛是對二樓的樓梯行落來，拄仔好行落來兩步，就聽著個爸爸咧共媒人婆講：「阮秀萍是五專畢業的，大部分時間攏咧讀冊，毋過有閒嘛會鬥款厝內，遮乖的查某困欲嫁台北遐遠的所在，我實在真毋甘！」

媒人婆仔講：「親家你放心，秀萍遮爾乖，阮一定會好好共伊疼惜。」秀萍的爸爸閣講：「少年人上要緊就是對家庭愛有責任，毋通有一寡歹習慣，害著家己嘛害著別人。」彼陣秀萍倚佇二樓聽著個爸爸按呢講，感覺個爸爸有一點仔過份。秀萍會按呢想是因為伊比較較單純，伊毋知影，個爸爸已經看會出永成是一个猶閣需要磨練的少年人。啊毋過秀萍的爸爸嘛無法度阻止這件婚事，總是家己的查某困意愛欲嫁，姑不而將將個的婚事辦辦咧，現代的人婚姻大事攏無閣予父母做主，父母只好祝福少年人好好仔經營家庭，希望個有美好的將來！

「爸爸，真歹勢，因為前一站仔行走業務，騎oo-tóo-bài趕時間，予警察翕相，收著較濟張紅單，秀萍受氣走轉來後頭厝，攏是為著我好，我已經知影毋著，以後我會較細膩騎較慢咧，我今仔日是專工來共秀萍做生日，希望伊莫閣受氣；安安，來！做伙來唱歌，祝媽媽生日快樂！」永成看著秀萍對樓頂落來，就趕緊倚起來，共個丈人爸會失禮，希望個丈人爸會當苦勸秀萍原諒伊。秀萍的爸爸雖然無蓋歡喜，啊毋過俗語咧講：「翕仔某勸和無勸離。」所以伊共秀萍講：「永成知影毋著，你就原諒伊一擺，翕仔某和好，囡仔嘛較快樂。」秀萍頭一擺聽著個爸爸替永成講話，感覺真意外伊就無閣加講啥物話，只是偷偷仔共永成gîn一下，永成歡喜佇心內，想講這擺放下男子漢的自尊來秀萍的後頭厝是有價值的，因為閣無佻久，秀萍就會氣消完全原諒伊矣！

## 【九、阿婆的故事2】

「來，安安食雞卵糕，媽媽嘛食一塊，阿公講故事予恁聽！」

蹠佇個兜後壁的阿婆無才調飼查某孫仔，只好將伊送去孤兒院，蹠孤兒院雖然吃穿無蓋好，毋過至少袂枵著，查某孫仔目睷大蕊大蕊，生做真古錐，巧巧仔，喙嘛真甜，看著人攏會佻人相借問：「阿姨、阿叔gâu早！食飽矣未？」伊佇四歲的時有一對袂生的少年翁仔某真佻意，共伊領養轉去，閣號一个新的名叫做「志玲」；但是tshuā轉去無佻久，領養的手續猶未辦好，就閣予人送轉來，囡仔已經叫對方「爸爸、媽媽」叫甲足親的，啥知影會予人「退貨」，講起來真使人同情！院方無可奈何，除了一直安慰志玲，嘛袂當強逼彼對少年翁仔某按怎，萬一囡仔佻個袂合，若是予人苦毒閣較害。好佳哉志玲个性活潑，愛佻孤兒院的囡仔做伴迺迺，真緊就袂記得這件代誌。

志玲較大漢咧讀小學二年的時，閣一擺有人來孤兒院看囡仔，恰意志玲做個的查某囡，這擺孤兒院較慎重，確定對方擺將領養的手續辦好，才予個共志玲tshuā轉去，毋過這擺志玲除了愛改名號做「家芳」，猶閣愛轉學去別的縣市讀冊，離開伊所熟似的環境，綴新的「爸爸、媽媽」過新的生活。

去到新的學校，伊的老師真緊就注意著家芳是一个真巧的小朋友，伊真愛恰同學做伙迫迫，但是作業時常會袂記得寫，為著按呢就毋敢來學校，逃學的情形愈來愈嚴重，學校的老師去個兜做家庭訪問，才知影家芳的養父母佇厝共伊拍甲烏青凝(gîng)血，實在真可憐，最後老師恰養父母參詳暫時予家芳轉去孤兒院輔導，養父母知影家己毋著嘛後悔動手拍囡仔，答應予囡仔轉去，就佇家芳轉去孤兒院無佹久，家芳的親生老母就是阿婆的查某囡忽然出現，來到孤兒院揣家芳，伊向孤兒院表達這馬佇美國有正常的家庭恰工作，想欲tshuā家芳轉去美國做伙生活，家芳的養父母知影了後就成全個母女團員，所以昨昏阿婆的查某囡才會轉來看個老母。最後這擺，阿婆的查某囡無欲共家芳改名，伊知影家芳號啥物名並無要緊，上重要的是伊欲接納家芳的一切，任何的優點、缺點、舊名抑是新名，擺袂較贏一个親生老母想欲好好仔疼惜、彌補親骨肉的決心，家芳小可仔的缺點應該會佇老母的愛心管教下面，真緊就改過來，總算是天公伯仔有目矚，予古錐的家芳毋免閣四界流浪！

## 【十、喪禮】

故事tánn講煞，阿義仔一口灶三个人拄仔好轉來，永成趕緊倚起來，恰個拍招呼：「今仔日禮拜恁毋是去排路邊攤仔，哪會遮爾早就轉來？」阿義仔應講：「今仔日有一个教會長老的老爸告別式，阮參加煞就順煞轉來，無去排攤仔。」「告別式？去參加告別式敢袂真悲傷？」永成真好奇咧問。秀萍講：「恁坐落來沓沓仔(tauh-tauh-á)講，我來去煮飯。」心形搶代先行入去灶竈：「阿姊，今仔日是你過生日，我來煮就好，你先用雞卵糕予囡仔食。」秀萍應：「好啦，多謝你，予你無閒！」秀萍用雞卵糕予婷婷食，婷婷恰安兩個囡仔食煞就恰個阿公去後壁的田岸仔散步。客廳賭阿義仔恰秀萍個翁仔某咧開講。

阿義仔共永成恰秀萍的杯仔斟(thîn)茶，斟好就講：「我第一擺參加基督教的告別式，真特殊。陳長老的老爸是一个退休的醫生，已經九十六歲，但是無啥物病疼，頂禮拜透早佇厝內啉一杯牛奶，坐佇客廳的膨椅歇睏，就睏去無閣起來，個厝內的人發見的時已經過身矣，對個來講，『死』好親像毋是蓋恐怖的代誌，因為個相信有一工大家擺會佇天堂閣團圓。我感覺按呢的信仰予人袂驚惶，心內有平安。」永成無去過教會，伊毋相信有人無驚死，毋過舅仔咧恰伊分享心內話，伊啉一喙茶了後，就罔共個舅仔應話：「若按呢講起來咱死以後去到天堂猶閣是一家人looh？」「彼是當然ooh！」阿義仔講。秀萍恰個兩個講：「騎車毋遵守交通規則的人，袂去天堂啦，家己愛守規矩毋才有去天堂的門票！」永成共個某慢咧講：「對這馬開始，我一定會守規矩，因為我欲恰阮某永遠做翁仔某！」秀萍連鞭共永成的手辦走：「好矣啦！莫閣sai-nai，我欲去叫爸爸恰囡仔轉來吃飯！」

秀萍想起十年前，伊的阿媽過身，佇舊厝辦起盛大的喪禮。這個阿媽毋是個親生的阿媽，是阿公後來娶的，因為恰序細歹鬥陣，所以過身的時，序細無欲提伊的手尾錢，共伊的手尾錢總開掉：捐十萬元予學校買圖書館的冊、捐五萬元予育幼院、猶閣賭七十萬買墓

地恰棺材、請道教的司公作法、請佛教的誦經團念經、五子哭墓、孝女白瓊、電子花車、西樂儀隊……若是恰葬儀有關係的，攞差不多有請著，最後閣賸一點仔錢，只好閣請一个孝女白瓊，出山彼工，賑賑長的隊伍，有兩個孝女白瓊，哭聲驚動整个庄仔頭，這兩個孝女白瓊應該感覺這擺的難度較懸，袂使兩個同齊哭，嘛袂使同齊停落來，彼此愛互相配合，才袂有時傷吵、有時閣傷安靜。

比較起來，基督教的告別式加較單純，嘛袂吵，閣省錢，予人無全款的感受。秀萍無佬久就揣著伊的爸爸恰囡仔，個歡歡喜喜做伙轉來厝食飯。

## 【十一、永遠的疼】

食飯飽，永成隔日愛閣上班就先坐火車轉去台北，秀萍想欲加蹓兩工仔，無恰伊做伙行，下港的空氣較好，予人頭腦清楚、心情快活。秀萍佇遮設計美工，有閣較濟的靈感，工作完成的速度是比佇台北緊兩倍，而且伊猶閣有一个人想欲見，約好明仔載佇安平港的田園餐廳相等。

隔工下晡秀萍恰囡仔來到彼間餐廳，餐廳外口予大欖樹仔遮牢著，入去內面有紅磚仔小路，邊仔有一種改良品種的圓仔花恰雞髻花，雖然是熟似的花種，毋過看起來有無仝的特色。餐廳的椅仔是大籬杉仔做的，外口彼欖樹仔發甲餐廳內底，四界攞有野草芳花發出來，用銅管仔貯咧，好親像野生自然的世界。服務人員先捧(phâng)茶予個止喙焦，無佬久，個等待的人出現矣，恰秀萍生做一模一樣，只是較加伊的歲。秀萍講：「安安，這是阿媽，趕緊叫阿媽！」安安毋捌看過阿媽，毋過親情是斷袂開的線，伊第一擺看著阿媽，就叫甲足親的：「阿媽！阿媽！你的頭毛足嬌(suí)，蟋蟋像芭比娃娃的頭毛！」這個人就是麗玲，麗玲佇囡仔滿月的時陣捌去看過秀萍，後來就罕得見面，攞是用電話連絡。麗玲看著孫仔的喙真甜，嘛想起晟養秀萍細漢的時，秀萍生做古錐閣得人疼。「來！安安予阿媽抱一下，哇！真重，阿媽抱無法！」

個飲過下午茶、食一寡點心了後，就去安平的海邊，散步、吹海風、看日頭落山……。

## 【十二、後記—十冬後】

阿婆的後生做生理有趁著錢，買一棟販厝，共阿婆接去鬥陣蹓，阿婆活到八十六歲過身，死的時陣伊的後生、新婦恰孫仔攞佇邊仔陪咧。

阿婆的查某外孫家芳佇美國讀冊，遐的學校鑑定家芳是「資優生」，連跳三級，十八歲就保送入去柏克萊大學的研究所，轟動一時，美國的報紙攞有牽這個消息，家芳成做教育界的「台灣之光」。

秀萍的爸爸受著阿義仔感染，參加教會的老人大學歌唱班，熟似教唱歌的歐吉桑指揮，兩人變成麻吉的好朋友，時常相招去擯槌球。

歐吉桑指揮愈老愈勇，tshuā少年囡仔去參加合唱團比賽，得著全國冠軍！

秀萍的阿公予細漢後生明堂恰新婦奉待，猶閣有「彭婉如基金會」的老人居家安護義工，幫忙照顧，伊的身體勇建、心情快活，這馬百三歲毋免人牽，家己會行。逐工聽收音機、看電視，有時閣使電動車出去迤迤。

秀萍佢永成後來閣生一个後生，秀萍的媽媽搬去台北佢個蹓做伙，幫忙tshuā囡仔。秀萍的媽媽佢意永成這個囡婿，一家平安和樂幸福！

婷婷考牢大學，熟似讀研究所的學長，學長教伊用台語寫文章，伊共十冬前佇歇熱發生的代誌寫出來，最後婷婷佢學長兩人變做真好的朋友。

### 創作理念

闡述現代年輕夫婦組成家庭，雖偶有遭遇困難，但是在親情、信仰以及自身的內省下，慢慢解開繩結，朝向幸福美滿的方向前進。

女主角秀萍原本是單親家庭長大的孩子，一心渴望母愛，然而等到自己結婚之後才發現，經營家庭並不容易，雞毛蒜皮的事都可能令人抓狂。還好，暑假回娘家住幾天，讓心情沉澱下來；同時劇情橫向發展，隔壁鄰居小孩，年紀小小的，就要經歷許多複雜的問題，若大人願意承擔責任時，小孩子就能做他自己，開展未來。

標題「望海」，本意是秀萍思念母親，常去海邊尋求大自然醫治的力量，吹海風、看海浪讓心情得到慰藉。「海」亦可是「宗教」的象徵。最後秀萍和母親一起去看海，是圓滿的結局。

林晏如

臺北縣忠義國小音樂教師

